

4. Xedea, ikuspegia eta balioak

XEDEA

Hau da esparru estrategikoaren xedea:

"Modu aktiboan laguntzea Euskadin osasunari buruzko ezagutza sortzen, garrantzitsua baita nazioartean, pertsona erdigunean jarritz, gizabanako gisa eta gizarteko kide gisa. Inplikaturako eragile guztiei eragitea, Euskadiko Osasun Ikerketa eta Berrikuntzako Sistemaren garapen koordinatua lortzeko".



IKUSPEGIA

Hau da esparru estrategikoaren hedapenarekin lortu nahi den ikuspegia:

"EAEko osasun-sistema bikaintasunak ezaugarritu dezala, eta ikerketa- zein berrikuntza-jardueren emaitzen traslazioa bideratzea; horretarako, I+G+B arlo integratu eta dinamikoa izango du dagoen sare zientifiko-teknologikoarekin eta enpresa-sarearekin lankidetzan".

BALIOAK

Hauek dira gure jarduteko moduari dagozkion balioak:



Bikaintasuna

Gure lanaren bidez eragin nabarmena izan nahi dugu herritarren osasunaren hobekuntzan, eta haien inguruan aberastasun ekonomiko eta soziala sortu nahi dugu.

Konpromisoa

Sistemaren arrakastarekiko eta helburu komunekiko inplikazioa eta konpromisoa da gure ikuspegia lortzeko funtsezko pieza.

Koordinazioa

Osasun-sistemako eragileekin lankidetzan arituz eta parte hartuz bakarrik lortuko dugu gure ikuspegia egia bihurtzea.

Eskuzabaltasuna

Ikerketa eta berrikuntza arduratsua, zientzia irekiagoaren bitartez; horrela, esparru zientifikoaren eta jendartearen arteko arrakala murriztu egingo da, eta zientzia inklusibo eta gardenagoa lortuko da, lankidetzan oinarrituta.

EAEk Ikerketa eta berrikuntza arduratsuaren aldeko konpromisoa hartu du

Zientzia irekiagoa izateko, zientzia-arloaren eta jendartearen arteko arrakala murrizteko, eta zientzia inklusibo eta gardenagoa lortzeko, lankidetzan oinarrituta; betiere, honako printzipio hauetan oinarrituta: hezkuntza zientifikoa, genero-berdintasuna, sarbide irekia, gobernantza, etika eta herritarren parte-hartzea.



3. Irudia

2022-2025 aldiko esparru estrategikoa.

Pieza horietatik abiatuta sortu zen 2022-2025 Esparru Estrategia, **PERTSONA**, gizabanako eta **GIZARTEKO** kide gisa, sistemaren erdigunean kokatzea proposatzen duena, eta eskura dauden baliabide guztiak (osasun-profesionalak, ikertzaileak, ikerketa- eta osasun-azpiegiturak) eta, jakina, enpresa-sarea eta sistema zientifiko-teknologikoa (unibertsitateak, ikerketa-zentroak, zentro teknologikoak eta lanbide-heziketako zentroak, etab.) haien eskura jartzea proposatzen duena, funtsezko balio multzo baten bidez, eta funtsezko konpromisoaren bidez.